



Á VEFSÍÐUNNI WWW.EMMA.IS má nú sækja tvær nýjar barnabækur eftir Arnheiði Borg, Tobba töffara og Töfra tilverunnar. Á sama stað er að finna nokkrar eldri bækur eftir sama höfund. Bækurnar er að finna undir flokknum Léttlestrarefni og þeim má hlaða niður endurgjaldslaust, fyrst um sinn.

Lisaloppa og Kata í ratleik

Bragi Halldórsson

18

„Það verður nú að viðurkennast,” sagði Kata full aðdáunar. „að þessi fugl er mjög flottur á litinn.” „Svartur og hvítur eru nú varla litir,” sagði Lisaloppa. „Það er þessi skæri appelsínugulur litur sem gerir svarta og hvíta litinn svo flottan,” sagði Kata. Lisaloppa hafði sjaldan heyrt Kötú lýsa svona mikilli aðdáun á nokkrum hlut. En rétt var það, þessi fugl var fallegur.

En vitið þið hvaða fugl þetta er? Er þetta:

- A. Svartbakur
- B. Teista
- D. Tjaldur



NÝ SOLLA Í LATABÆ

Chloe Lang heitir hin tíu ára bandaríska leikkona sem leikur Sollar stírðu í næstu seríu sjónvarpsþáttanna um Latabæ, sem nú er verið að taka upp. Chloe er mikil íþróttakona sem elskar að syngja og dansa. Hún er spennt að sjá sjálfa sig á skjánum.

Hvað heitir þú fullu nafni og hvað ertu gömul? Ég heiti Chloe Lang og ég er 10 ára gömul.

Hvaðan ertu? Ég á heima í Connecticut í Bandaríkjunum.

Áttu einhver systkini? Já, ég á eina systur og einn bróður. Þau eru bæði eldri en ég.

Hvenær komstu til Íslands og hvernig líður þér hér? Ég kom til Íslands snemma í apríl. Mér finnst Ísland fallegt.

Kom einhver með þér að heiman? Já, ég er hérna með mömmu minni og svo á ég von á gestum.

Gengur þú í skóla á Íslandi, á meðan þú býrð hér? Nei, ég geng ekki í íslenskan skóla.

Ég vonast eftir því að geta haldið áfram að leika þegar ég verð eldri. Ég elska það, það er ótrúlega gaman.



Chloe Lang er stödd hér á landi til að taka upp næstu seríu af sjónvarpsþáttunum um Latabæ, þar sem hún er í hlutverki Sollar stírðu, sem heitir reyndar Stephanie á ensku.

MYND/LAZY TOWN

Ég er með einkakennara sem kemur og kennir mér hérna á „settinu“.

Hlakkur þú til að sjá þig í sjónvarpinu í hlutverki Sollar stírðu? Já, ég er mjög spennt. Ég get ekki beðið eftir að sjá fyrsta þáttinn.

Hefur þú lengi verið leikkona? Ég hef verið að leika undanfarnin tvö ár.

Ætlar þú að verða leikkona í framtíðinni líka? Ég vonast eftir því að geta haldið áfram að leika þegar ég verð eldri. Ég elska það, það er ótrúlega gaman.

Hvaða önnur framtíðarplön hefur þú? Mér þætti gaman að læra meira um listir. Svo langar mig líka til að halda áfram að dansa.

Hvaða íþróttir eru í uppáhaldi hjá þér? Mér finnst mjög gaman í fótbolta, körfubolta og hafnabolta.

Hvað fleira þykir þér gaman að gera? Mér finnst gaman að syngja, dansa, leika og mála.

Horfir þú sjálf á Latabæ? Já, ég horfði á Latabæ þegar ég var yngri og geri það enn.

Hver af Latabæjarkarakter-

unum þykir þér skemmtilegastur? Ég held ég segi Siggí sæti, vegna þess að hann er alltaf glaður, alltaf spenntur og er alltaf samkvæmur sjálfum sér. En mér finnst allar persónurnar frábærar.



BRANDARAKISTAN

Fróðleiksmolar úr prófum:

Spurning: Hverjar eru fjórar helstu atvinnugreinar manna?

Svar: Samlagning, frádráttur, margföldun og deiling.

Spurning: Hvar eru Bretakonungar krýndir?

Svar: Á höfuðið.

Af hverju er nauðsynlegt að læra sögu?

Svar: Svo maður viti eitthvað um afkomendur sína.

Segðu frá því sem þú veist um hina síðustu kvöldmáltíð.

Svar: Ég var ekki þar, ég lá í flensu.

Þú getur sent brandara til krakkar@frettabladid.is

Hlustaðu á Dísu ljósálf og Alfinn álfakóng á Vísi

Á Vísi er hægt að horfa á myndskreyttan upplestur úr þessum sígildu ævintýrum.



Ævintýrið um Dísu ljósálf kom fyrst út á íslensku árið 1928 í þýðingu Árna Óla og hefur margsinnis verið endurprentað. Dísu ljósálfur er ein klassískra sagna hollenska meistarans G.T. Rotman, sem fylgt hafa íslenskum börnum í tugum ára.



UPPSKRIFTIN

Frostpinni fyrir alla, börn, konur og kalla

- Það ætti að teljast til sjálfsgöra mannréttinda að fá svalandi ís á heitum sumardögum. Stundum má maður það samt ekki og oftast má heldur ekki fá fleiri en einn. Þetta er frekar fúlt, þegar maður langar helst til að borða tíu stykki á einu bretti. Eitt gott ráð til að snúa á þessi boð og bönn er að búa til sinn eigin ís úr meinhollum ávöxtum. Hér er ofur einföld uppskrift að kivi-klaka sem svalar, hressir, kætir og bætir.

1. Takið nokkur kivi, flysjið þau og skerjið í um það bil eins sentímetra þykka bita.

2. Bræðið nokkra bita af suðu-súkkulaði (þessu má líka alveg sleppa).
3. Takið tréþrik og stingið í kiviði. Tréþýtur á borð við þessa á myndinni fást í apótekum.
4. Dýfið kiviinu ofan í súkkulaðið.
5. Leggið á flatan disk og skellið í frysti.
6. Takið út um það bil einni klukkustund síðar.
7. Borðið og njótið!

Svo má skipta út ávöxtunum til að hafa úrvalið fjölbreyttara. Það er til dæmis sniðugt



að nota vínber. Þau eru lygilega góð þegar þau eru frosin og svo er líka skemmtilegt að borða dúkkufrostpinna.